

ka-a tu maletaz

Ma-aq qabas ang a heza tu tatini ka maletaz tu bunun tastuqani-an
lusqa ilumaq mal-uu ni-i tu asa kuzakuza. Mililiskin a bunun un tu na
maku-aq a na tudiip maqtu min-uni issuhian tu bunun lusqa ni-i tu kuzakuza.
Heza tu tastuqani-an lissabaq naip heza bunun a mesnadadaza diqanin
minsuma mun-ita tupa-un nepa ki mesnadadaza diqanin minsuma tu bunun
ta tu “Tupa asa ia asu min-uni issuhian tu bunun i? Maqtu asu. Lusqa tu asa
asu tu kapimopa inaa sintupa ka sikopakopa tu qalinga. Mal-u-ang niqu asu
na anqai ki mevanglazdengaz na saduu ki vevivevi tu batu siza-av a sedu-an
su-u tu batu ka mapihaan ima su-u. Ma-aq is siza-un in su-u ka batu ka
mapihaan ima ka min-uni nepa tintisutisu sadu-an tu kiim isbalivav
mapin-uni sui ka na min-uni in asu issuhian tu bunun. Lusqa tu ma-aq is siza
ka asa tu lusqa tas-a ka siza-un ma-aq is simadia siza ka na ni-i ka batu
minkiim na ni-i tu maqtu isbaliv. Ma-aq is anqai ki mevanglazdengaz a asa
tu me-opa haan tanangaus mudandaan ni-i tu maqtu panduu mopa na
tinquz-a ka batu tu saduu su-u ka na sankuaskuas musbai. Ka-a tu sakakiiv
sadu ki na tunqabin a batu. Ma-aq is ni-i asu kapimopa ki inaa tu qalinga
ka na minsuqis a kiim a minbatu.”

Tutuza tu minmopa ta anqai nepa ki mevanglazdengaz ta ka sadu-an
istaa tu az-azbatu ka mevanglazdengaz a. Miliskin nepa tu na sia istaa
siza-un i madaingdengaz tu batu ka ni-i nepa maqtu ansaqan sia istaa
kama-atikis tu batu ka siza-un a tutuza tu minkiim.

Miliskin nepa tu langat i ni-i ka bunun a saduu na simadia nepa siza
batu mapihaan ima istaa ka minpakaliva tu! ma-aq is sisius nepa tu tas-a siza
ki batu mapihaan ima ka muqalqal a kiim haan nastu dalaq min-uni batu
paaq pu-un ni-i in maqtu sisuqesun. Allangat ni-i tu ni-i in maqtu musuqis
siza ki ihaan tesbanan in tu batu ta. Tupa ka na siza ki batu tu bunun a tu na
heza ang haan tanangaus ta ka madaing tu batu paaq pu-un istakunav istaa
ka inin-ia in tu batu. Samuq is paskopin ta ka masu-uni madadaing tu batu
masu-uni in i atitikis tu batu.

Mintatulun in naip sakakiiv nepa saduu ki sintakunav istaa tu batu ka
tunqabin amin haan dalaq ni-i in seqna-an saduu. tispalkav in a bunun a
paaq pu-un tupa in nepa tu “Asa qan a lopa ko tu maqasmav kuzakuza ka-a
tu maletaz.” Minkelas nepa ka peskatudiip in naip matinqasmav
munquma ka dungzav in naip min-uni mamantuk tu issuhian tu bunun.

107 年全國語文競賽原住民族語朗讀【巒群布農語】 國中學生組 編號 1 號

莫貪懶！

從前，有個懶惰的人，整日在家休息而不工作，只想著變成富人。

有天，天上的人對他說：「想成為富有的人，一定要遵守我的話。

你會經過大河床，看見各種石頭，你可以把所看見的石頭拿到手上。那

些石頭會變成黃金，只能拿一個，不能多拿。要往前走，不能停止，因

為石頭會被嚇跑。如果不遵守，就會變回石頭。」

果不其然，經過大河床，看見河床都是石頭。大石頭搬不動，他就

拿次級的石頭，真的變成了黃金。他想多拿一塊時，黃金就變成石頭。

他想前面還有大石頭，就把撿過的扔掉。未料，後面盡是小石頭。

他後悔了，回頭看所丟掉的石頭，那些石頭都躲進土裡，再也看不

見。那人醒了過來，就說：「現在應該要勤力工作，不可偷懶。」從此

就認真工作，成為富有的人。